

ԳԻՏԱՀԵՏԱԶՈՏԱԿԱՆ ԳՈՐԾՈՒՆԵՈՒԹՅՈՒՆ

1. Մելս Սանթոյանի ծննդյան 80-ամյակին նվիրված գիտաժողով

2018 թ. նոյեմբերի 2 - 3-ը կայացավ գիտաժողով՝ նվիրված բանասիրական գիտությունների դոկտոր, պրոֆեսոր Մելս Սանթոյանի ծննդյան 80-ամյակին: Գիտաժողովին մասնակցելու հայտ է ներկայացրել 38 մասնակից, որոնցից 6-ը՝ Արցախից, 28-ը՝ Հայաստանի Հանրապետությունից, 1-ը՝ Բուլղարիայից, 1-ը՝ Գերմանիայից, 2-ը՝ ԱՄՆ-ից: Մասնակցությունն իրականացվում էր առկա և հեռակա ձևաչափերով: Մասնակցում էին մասնագետներ տարբեր համալսարաններից՝ Վանաձորի Հ. Թումանյանի անվան պետական համալսարանից, Երևանի Խ. Աբովյանի անվան հայկական պետական մանկավարժական համալսարանից, Երևանի պետական համալսարանից, Շիրակի պետական համալսարանից, Հայ-ռուսական /Սլավոնական/ համալսարանից, ՀՀ ԳԱԱ գրականության և պատմության ինստիտուտներից, Մ. Մաշտոցի անվան հին ձեռագրերի ինստիտուտից՝ Մատենադարանից, Նյու-Յորքի Ազգային ուսումնական խորհրդից, Սոֆիայի Կլիմենտ Օհրիդսկու անվան համալսարանից, Բեռլինի ազատ համալսարանից:

Գիտաժողովի աշխատանքներն ընթացել են 3 բաժանմունքներում՝ «Հին և միջնադարյան գրականության պատմություն», «Նոր գրականության պատմություն», «Նորագույն գրականություն և գրական քննադատություն»:

2. «Լեզուն և գրականությունը միջմշակութային հաղորդակցության համաշարում» խորագրով 5-րդ միջազգային գիտաժողով

2018 թ. հոկտեմբերի 11-12-ը ՎՊՀ - ում տեղի ունեցավ «Լեզուն և գրականությունը միջմշակութային հաղորդակցության համաշարում» խորագրով 5-րդ միջազգային գիտաժողովը՝ նվիրված Հայաստանի առաջին հանրապետության 100-ամյակին, որի նպատակներն էին՝

1. գրականագիտության, լեզվաբանության, միջմշակութային հաղորդակցության, թարգմանագիտության, լեզվի և գրականության դասավանդման մեթոդիկաների ոլորտում գիտական հետազոտությունների և գործնական աշխատանքների արդիական ու հեռանկարային ուղղությունների որոշարկումը,

2. գիտական փորձի փոխանակումը, գիտական և գործնական իմացությունների միահյուսման ուղիների որոնումը:

Գիտաժողովն անցկացվում էր Կրասնոդարի Մարքեթինգի և սոցիալ-ինֆորմացիոն տեխնոլոգիաների ակադեմիայի հետ համատեղ:

Գիտաժողովին մասնակցելու հայտ էին ներկայացրել 37 մասնակից Հայաստանից, Ռուսաստանից (Կրասնոդար, Մագադան), Լեհաստանից, Ուկրաինայից, Բելոռուսից, Սերբիայից: Գիտաժողովին մասնակցեցին 35-ը, որոնցից՝ 16-ն արտերկրից: Հոդվածներից ոչ մեկը չի մերժվել: Արտերկրից մասնակցությունը հիմնականում հեռակա էր (պատճառները՝ ընտանեկան, առողջական, Հայաստանի ներքաղաքական): Ներկա էր Ուկրաինայի ներկայացուցիչ Սվետլանա Վառավան:

Գիտաժողովի աշխատանքներն ընթացել են հետևյալ բաժանմունքներում՝ «Լեզվաբանություն», «Լեզվի և գրականության դասավանդման մեթոդիկա», «Գրականագիտություն»:

Գիտաժողովի մասնակիցները ներկայացնում էին հետևյալ բուհերը՝ Վանաձորի Հ. Թումանյանի անվան պետական համալսարան, Երևանի Խ. Աբովյանի անվան հայկական պետական մանկավարժական համալսարան, ՀՀ ԳԱԱ Հ. Աճառյանի անվան լեզվի ինստիտուտ, Շիրակի պետական համալսարան, Շուկայագիտության և սոցիալ-տեղեկատվական տեխնոլոգիաների ակադեմիա, Խարկովի Վ.Ն. Կարազինսկի անվան ազգային համալսարանի միջազգային կրթության ինստիտուտ, Մարիուպոլի պետական համալսարան, Կրասնոդարի մշակույթի ինստիտուտ, Մինսկի պետական լեզվաբանական համալսարան, Պոզնանի Ա. Միցկևիչի անվան համալսարան, Հյուսիս-Արևելյան պետական համալսարան, Բելգրադի համալսարան, Բրեստի Ա. Ս. Պուշկինի անվան պետական համալսարան:


3. ՎՊՀ ամբիոնների՝ 2017-2018 ուստարվա գիտահետազոտական արդյունավետության վերլուծություն

Ուսումնասիրվել է ՎՊՀ ամբիոնների գիտահետազոտական աշխատանքների քանակը, և որոշվել է դրանց արդյունավետության ցուցանիշը:

Կատարված ուսումնասիրությունների արդյունքում պարզվել է, որ բուհի 195 աշխատակիցների կողմից հրատարակել է 178 գիտական աշխատանք: Արդյունավետության բարձր գործակցով առաջին տեղում է պատմության ամբիոնը (1,63 գործակից, 11 աշխատակիցներ և 20 հոդվածներ), երկրորդ տեղում՝ հայոց լեզվի ամբիոնը (1,46 գործակից, 13 աշխատակիցներ և 22 հոդվածներ), երրորդ՝ կենսաբանության ամբիոնը (1,05 գործակից, 19 աշխատակիցներ և 26 հոդվածներ), չորրորդ՝ ֆիզիկայի


ամբիոնը (0,62 գործակից, 8 աշխատակիցներ և 9 հոդվածներ), հինգերորդ՝ օտար լեզուների ամբիոնը (0,56 գործակից, 16 աշխատակիցներ և 15 հոդվածներ), վեցերորդ՝ քիմիայի ամբիոնը (0,27 գործակից, 11 աշխատակիցներ և 7 հոդվածներ), յոթերորդ՝ մանկավարժության ամբիոնը (0,23 գործակից, 13 աշխատակիցներ և 9 հոդվածներ), ութերորդ՝ ԻՏՄՄ (0,2 գործակից, 10 աշխատակիցներ և 5 հոդվածներ): Մյուս ամբիոնների արդյունավետության գործակիցը 0 է:

ՎՊՀ ամբիոնների՝ 2017-2018 ուստարվա գիտահետազոտության արդյունավետության վերլուծություն



Բուհի գիտահետազոտական արդյունավետության գործակիցը 0,43 է, որը 2017 թ. 0,04 գործակիցի համեմատությամբ բավական աճել է:


3 տարվա արդյունավետության գործակիցների համեմատություն



Նշենք, որ նախորդ տարվա համեմատությամբ աճել է ինչպես հողվածների քանակը՝ 178 հողված (2017 թ.՝ 117), այնպես էլ արդյունավետության գործակից ունեցող ամբիոնների թիվը՝ 8 ամբիոն (2017թ՝ 6 ամբիոն): Նվազել է աշխատանք չունեցողների թիվը՝ 94 աշխատակից (2017՝ 109 աշխատակից): Հրատարակած հողվածների թվով առաջինը կենսաբանության ամբիոնն է (26 հողված), երկրորդը՝ հայոց լեզվի ամբիոնը (22 հողված), երրորդը՝ գրականության ամբիոնը (21 հողված):

Վերջին երեք ուստարիների գիտահետազոտական աշխատանքների արդյունավետության վերլուծությունը ցույց տվեց, որ աճել է գիտական աշխատանքների քանակը, սակայն աճել է նաև աշխատանք չունեցողների քանակը:

ԵՐԵՔ ՈՒՍՏԱՐԻՆԵՐԻ ՀԱՄԵՄԱՏՈՒԹՅՈՒՆ



5. ՎՊՀ գիտական տեղեկագիր

2018թ. «Վանաձորի Հ. Թումանյանի անվան պետական համալսարան» հիմնադրամի գիտական տեղեկագրի Ա պրակի (հումանիտար և հասարակագիտական գիտություններ, դասավանդման մեթոդիկա) տպագրման համար ստացվել է 57 հոդված (2015թ.՝ 45, 2016՝ 47, 2017՝ 70): Գրախոսումներից հետո 13 աշխատանք չի երաշխավորվել տպագրության, 2 հոդված հեղինակները որոշել են չտպագրել: Երկու աշխատանք մերժվել է, քանի որ հայտնաբերվել են գրագողության փաստեր: Տպագրության է երաշխավորվել 40 հոդված:

Գիտական տեղեկագրի Բ պրակի (բնական գիտություններ, դասավանդման մեթոդիկա) տպագրման համար ստացվել է 44 հոդված (2015թ.՝ 25, 2016՝ 28, 2017՝ 35): Ստացված հոդվածներից 2-ը մերժվել են պահանջվող չափորոշիչներին չհամապատասխանելու պատճառով, 1-ը հետ է վերցրվել հեղինակների կողմից: Գրախոսումներից հետո 5 աշխատանք չի երաշխավորվել տպագրության: Գրանցվել է գրագողության մեկ դեպք: Տպագրության է երաշխավորվել 36 աշխատանք, որոնցից՝ 17 գիտական, 16 մեթոդական և 3 հաղորդում:

Գիտական աշխատանքների գծով պրոռեկտոր՝

բ.գ.թ., դոցենտ Ա. Սանթրյան